

OMUKUETU

No 10

O K T O B E R

1937

X X X X X X X X X X X X X X X X X X X X X X X X X X X X X X X X X X

Onda hala Okusuna peni?

Epulo ndika lja hala okutu peni, otse aakriste. Otse šo tua ningi aakriste otua zi peni? Ndi ši omuupagani, momilema omiluuzo za li ze tu luuzila koomueño no komalutu. Nena otua ningi ngini aakriste? Oohapu zevangeli lja Jesus Kristus, otue zi uvisilua, no za tameke oku tu joolola muupagani moka. tue ja kuujelele uazo. Ombe po Ondjapuki oja tonatiša oomueño zetu, tua zimbulula uupagani ouo ondoja onene tua ningina mujo. Nena šo tua zi mondoja moka, otua tameke okuihula omizalo nzo ka azihe zošipagani. Oomueño zetu tue zi galula kiinima mbjoka tua li tue ji hokua nale, omalutu getu tue ga jogo ondoja ndjoka tua li mo. Omükriste šo e ja kešašo okua zala oonguuo za jela zoopala, uape okutaamba omagano ngoka omanene te ga peua mešašo ejapuki, no šo tuu šo e ja kekoleko okui opaleke komueño no kolutu, uape okutaamba omagano ngoka te ga peua mUulalelo Uujapuki. Ndele ngašingeji aakriste inaa hala okukala muujogoki mboka nando nando, ojo je li po taa tala konima, no taa mono uupagani ue ja azi mine išeue. Nena oje li po taa zi mo muujogoki mboka uopakriste, ja šune mondoja jauo moka ja zile mo. Otaa kuša oonguuo zauo nzo ka za li zšašo no z'Uulalelo Uujapuki, no zokomambo, taa landa oonkula nomihanga, niimona, omizalo azihe zošipagani. Iimaliva ta je ji mono, šo taa ji moostor zuuzilila oonguuo, inaa tala kuzo otaa landa iindjendje ajike, omagazi ge li mo onajelele inaa ga hala, otaa landa iize iitiligane, omiguajo nzoka tazi opalele uupagani. Šino otaši holola šike? Oja hala okušu na mondoja jauo moka ja zile mo. Nge to tala ngašingeji mongerki, nenge miituši moka mua gongala aakriste, to uvu ooMaria nooPaulina nooJohanna, omazina ogaakriste, ndele komalutu itaa holola ukriste. Ngele taa kumagizua je ese ondoja ndjoka itaa hala okuyulika komakumagizo nando, otaa ipopile taa ti: Uukriste okomueño. Ndele hāšo, ošoka oohapu zimue tazi ti: Oomueño gua jela gu hoole okukala olutu lua jela.

Ano olutu lua luuza talu holola omueño gua luuza. Uunene aak kiintu ja hokua okušu na mondoja ndjoka. Ano oojakuetu tu ipuleni šo tatu leša oohapu nzoka: Onda hala okušu na peni, nge nda hokua ondoja ndjoka jošipagani?

Aakriste nge taa kumagizua ja kale muujogoki, opo ja opalele ukriste, ojo inaa hala mo otaa taa neke Moses mombuga, no ja hala okušu na ku'Egipti, jo inaa zimbulukua uuzigu mbuka ja li je u na mu'Egipti. Aakriste ja zimbuu iipona taji jono po oomueño nomalutu gauo.

Ooňoka tazi etua kaambuella aakriste ja hokua uunene oku zi landa, ozo tazi eta oombuto zuuvu uili no uili. Ošilundu niiponga iikuauo ojindji. Olukula aakriste je lu hokua uo, talu etua kaambuella no talu eta iiponga juuvu uo. Ošiponga ošinene ša siikilua omeho gaantu ošo šika: Olukula šo talu tsuuu, otalu lumbua nošinima šoka taši išanua ezilo. Ezilo ndjoka otali zi peni ano? Otali tulua tango mošisitameno, naantu ajehe je li me gumbo, naa mboka taa ende mo, otaa sitamene ezilo ndjoka oomuezi 2, nenge 3, netata, opo li luuzi kua komasita ngoka, li uape oku ja molukula. Omasita ogo ošike ano? Ogo ooňata aantu taa zi guaja, no taje zi li šo taje lu kuata niikaha jauo. Ano uuhalu uokuha luka ondoja jošipagani, taji jono po omalutu noomueño zauo. Oojaakuetu tu tonateni šili, tse tu kumagizue koochapu nzika, nge tua hokua ondoja natu ipule: Onda hala okušu na peni?

Nenge kamu ši ši, omalutu geni ogo ontampeli j'Ombepo ngoka Ondjapuki e li mune no mu mu peua ku Kalunga, one kamu ši jeni jene, ošoka mua kulilua niikulila iizigu. Šimanekeni ano Kalunga momalutu geni no moombe po zeni, onzoka za Kalunga. 1 Kor. 6: 19, 20.

I I K U M I Š A

taji popiua nokuli. Inaji uuvika nale moUambo.

ŠOTANGO OŠIKA.

Momümvo nguka tagu ja "Omükuetu" ta tameke okuholoka lu a a l i m o m u e z i k e h e . Ihe kehe ngoka a hala oku ilandela ošifo šika ota futu **OSILINGA JIMUE** ajike. Tameka nokuli oku ikongela okamaliva nkaka. Šo ua futu okašilinga kamue petameko ljomümvo, "Omükuetu" ta holoka kaandjeni omümvo aguhe luuali momuezi kehe, esiku ljotango (1) no esiku 15 ljomuezi, Ongoka kee na okašilinga nande nande na kundašane nomulandiši ngiika esiku limue ta zimine okutaamba omahangu emele peha ljošilinga.

OŠIKUMIŠA OŠITIJALI OŠIKA.

Kehe ngoka ti ilandele "Omükuetu" petamekolela ljomümvo oje ta peua ošifo "**OKRISMESA OFEREFENDA**". Ano "Krisimesa" itaši pula ša nande. Endelega uaa sigue po ouala.

KUUŠIMBA "Omükuetu" ta ši landua po **NIŠILINGA IJAALI** (2. —)

Uukuambi

TAŠI PENDUKA

kUukuambi kua dja elaka olo tali tu hepaulile chafo linene. Ovakuambi hava diladila okutunga ongereka ipe. Esi sa kundafanua ndele sa uudika kovaňu omusamane **FESTUS HANGO** a hala okuhovelifa osinima esi, esi kua jandja omanaliva **OPONDA JIMUE** ongereka ji tungue ndele vaali kua jandja **OIPONDA OIVAALI NOIFILINGA OMULONGO** omanongelo a tungue. Ndele ne vaali ošvamati vokOUSimba va tuma oimaliva ja koja **OIPONDA OIVAALI** eongalo li dule okutungifa noku uapalekifa omanongelo kOUukuambi. Ijaloo, ovakuambi nje. Oso ngaha. Tuikileni, kendabaleni fijo fijo mua fikifa oilonga ajise. Mbela chopaelele leni tali tuile ovakuauo jo omükumo. "Omükuetu" ta hafa nešngono ovauambo esi hava penduka po.

Omanongelo

OMÜSAMANE LILJE A MANA OONJENDA ZE.

Ošo tua lombuelua kOmükuetu. Eeno, ošo hatu ji nkoka ihaku ziua ue, hatu landululašana, ha ngaši otse tua guaniša oomvula zetü. Okujalula kua Kalunga šo ta jalula oomvula zetü okuiili, kuetu okuiili. Omüsamane Lilje okua li e noomvula 61 noomuezi 5. Uukulupe inau huliša okuenda kue. Oomvula 3 a lala ina penduka. Uusiku nomüteña okua li te ehama olutu lue. Uuehame šo ua tameke molutu, omueño inagu nañukua. Ihe, šo a zimbulula, nani oje ošingoli ša Kalunga taši ehamekua meziko ljuuehame, no taši zigininua ku Kalunga muene e mü hoole šili, ina lila ue. Okulila okua ningi okuñanukua, nehala ljuokuza mo muuehame lja ningi eizizimiko. Šoka Omükulili gue e mü pe okuhumbata, ošo ošiuanaua. Ošo e ši hambata onzapo ja Jesus, a hokololele ngeji antu ajehe ohoole onene jOmüua gue.

Nando okua li a lala montala je juuvu uuzigu, aluhe okua zimbulukua aauambo. Nale okua li ta longo nuulazi ouindji, oluindji a li okua fa kee hoole aantu, olutitatu šo e ja mOuambo okua suulazi uo hoole. Ihe, mokusuulazi nkujaka mua li mu noohole jokuhoala antu, oje okua hala oku ja pukulu la šili. Aalongua je šaa mpo je li, haje mü zimbulukua omüntu kee nomalimbililo no kee nuumbanda. MOuambo okua jile mo lutatu. Tangokue ja mo omümvo 1900 no kua longo mOlukonda, mOnajena, mOngandjera no mOntananga no kua šuna ihe koojina. Omüvo 1913 okue ja mo išiue, nokua langekua mOniipa moka a zike enongelo ljaalongi, osemenari. Aalongi jotango ja lalekua kuje omüvo 1915 ja fa omülongi guauo. Mošilonga je na uo uulazi, ngaši ja longua nuulazi. Ojo ajehe jane ja li aaniipa. Gumue guomujo kee mo ue mošilonga. Pamue omülongi guauo te ja zimbulukua nondjulukue onene mokukala kue okupe, ngaši kua li he ja zimbulukua aluhe manga ku li kombanda jevi. Okua longo ongundu onkuauo uo aalumentu 9, ja lalekua omüvo 1917. Nongundu ontitatu okue ji tameke oku ji longo, ihe ine ji laleka ue, ošoka omüvo 1919 okua šikama a šune išeue kegumbo ljaandjauo. Omümvo 1930—1932 okua jile mo išeue, te ende nomagongalo nooskola nokua li tu uviša oohapu za Kalunga e nuulazi nga mbujaka, ohoole ojo ja li ji indjipala. Ošilonga še šijaka šilue šokuhongolola oondunge oonkulu zaauambo, okue ši mana muka, ihe košilongo šaandjauo ina mana oku zi nola zi nañangizue.

Mokukala kue akuhe oohapu

zoondjimbo je e ji lundulula mua ningi zošili šo a ti:

„Ongaj’ te tenga Jesus, Ku je ndi hoolike.

Kohenda no kegeelo Nda putuka puje.

Ha kelele, ndaa puke, Nuuzigini ue. Ndaa hambelele ando Aluh’ ohoole je.

— — — — Pomülonga nguj guomueño oko te imbile Aluheluhe Jesus, E tand’ oopaleke.”

Aakulukazi TAA POPISUA.

Ošifo šika „Omükuetu” ša hala okupanga uukuume naakulukazi ajehe je nolualo, šija pe oondunge zokuputuza aanona, jo ja koke, ja putuke pahalo lja Kalunga. Ngašingeji ša hala okupopiša, nenge okukundašana naakulukazi aavala kazi. Oojakuetu, longeni aana jeni uukengeli. Longeni aana jeni okuijoga ošipala niikaha. Ha lumue omüteña, aue, omünona andola ti igilikua okujoga iikaha manga ina tameka okulja, nošo tuu išeue šo a mana okulja. Taleni mu tale iikaha jaanona nkene ja tja. Omizilo nišima juunambo ja kakatela košikaha šomünona. Ošo opala tuu ojaakuetu, aana jaakriste ja putuke ngeji?

Naanona mboka HAA JI KOMANONGELO, ja taleni, ja šikame ku jeje, ja šike ko pešimbo lju ušua. Moku ja laleka ja taleni, ngele ja jela kiipala no kiikaha no komalutu. Niiteta jauo ji li ngini? Ja jela tuu nenge ja kukuta koo ngaga azihe? Iiteta ia nata taji šiša aanona noojina jauo ohoni. Noonguo za jela, nomalutu gaanona ga jela, taga simanekiša oojina jaanona.

Aakulukazi jamue ngiika taa ipopile, taa ti: „AANONA IHAA VULIKA.” Ihe, ngele to ti ngeji, ongie muene ui išiša ohoni. Ngiiška ngoje omüpopjaguli guouala, kape na ngoka ta simaneke no ta vulika koo hapu zoje. Nenge ngiiška ngoje muene mokukala kuoje omüheši. Iho ijogo nandokuli. Niijuma joje haji kala apehe ja haš lakana, inaji jogua, negumbo alihe hali kala, inali jagajua. Kunakonaša niinima ja tja ngeji. Ihe, ngele u li ngeji, ino kuminua, omümoje ngele iha longo šoka a lombuelua. Ohe ku tala, no ha kala ngaši ngoje ho kala. Ano, ngele ua haš la okuputuza omümoje, u nokui putuza tango, u uape okupa omümoje ošiholelua ošiuanaua.

Okakololo kaagundjuka.

„Omükuetu” (ošifo šika) okua tende omapandja ge, nokua gandja eha limue ljepandja lje kaa

gundjuka. Eha ndika tue li luku „Okakololo kaagundjuka.”

Tse aagundjuka TATU NINGI ŠIKE NAKO? Ezina ndika tali tu lombuele, mokakololo moška aagundjuka haa tula mo no haa kuša mo ša. Itamu guana ošindji šokutulua mo, no kamu nošindji šokukušua mo. Šoka taši tulua mo taši jakulua košinañangizo, na šoka taši kušua mo, taši kušua mo nokuleša komügundjuka kehe te ši hala. Itamu guana mo omavišo nomahunganeko gopaprofeti nomalondožo gopakuluntu, aue, ošo uo tuu uušona auke uopagundjuka.

Okakolola ketu taka tegelele AAGUNDJUKA JA NOLE OONKUNDANA ZOMOKUKALA OKUANAUA KUAAGUNJUKA. Ano, megongalo ljaandjeni ngele mu nehango ljaagundjuka, hogololeni omüñoli guehango no ljeni, a kale ha nolele Okakololo ketu iilonga jaljo ja longua na mbjoka taji ka longua muljo.

Mokakololo ketu HAMU KALLA OMAPUKULULO ga tumbulua pafupi gokupukulula aagundjuka ja nengua kuša, no je ši pula, ja fatululilue mOkakololo muka.

OONKUNDAŠANA ZOKUKALA kuaagundjuka jokiilongo jilue, unene tuu joko Suomi, haši holoka mOkakololo, (po aagundjuka ja nkoka no jomOuambo, ja tsasane ngeji omükumo.

Ehangano ljomOniipa lje eta mo oonkundana zaljo tazi ti:

Aagundjuka mOniipa.

Poomvula 1920 aagundjuka aaniipa oja li ja peua ompito okugongala kehe ošivike. Etine komatango ja gongala poohapu za Kalunga. Ošigongi šauo ša lukua „Euvaneno ljaagundjuka.” Oja li ja tungilua ondjuo jauo, moka aagundjuka jojene ja kuaša miilonga jetungo. Ihe molu omaimbo galue oša li ša longo oomvula zimue azike.

Ihe omümvo 1931 tua zikilua išeue ošigongi šetu ša lukua: „Eluua.” Otua hogolola ngekota ljošigongi šetu oohapu: „Omüua tsejšila ndje oondjila zoje, longa ndje omapola goje. Ps 25: 4. Nondjimbo jošigongi: Nge ndi na ngoje Omüua.” Kehe omügundjuka okui ikongele okaverse ke mOmbibeli ka kale oluondje lue.

(Tazi šikilua)

OMUULIKITUMO

kua lekele omaongalo kOniipa ongondaha efiku eti 19 la september. Efiku eti 22 okua lekele ovatumua ovasuomi kOniipa ava va ongala ko. Oje kua fikama nomukuafi uaje ongula inene efiku eti 23 no kua ji kOutjo mesina la Blom. Oko tuu ta tuikile ondjila jaje ndela ta ji kOkahandja no ku windhuk no fijo ku Kaap. Ofje atuse hatu mu halele enangeko noupuna la Kalunga opo a fikifue naua kosilongo savo.

M„Omükuetu” esi tasi landula tamu mono elekelo laje esi ta lekele ovambo.

Omüsamane WEHANEN

kua fikifa omido 70 efiku eti 19 la septem-ber. Oje okaume kovambo vahapu ndele vahapu have mu dimbulukua naua. Lurahapu kue va uudifile ndele okua njanjangidifa jo „Osondaha.” „Omukuetu” te mu halele enangeko noupuua la Kalunga

PALESTINA

Natango ombuzi jaajuda no jaajarabia inaji muena mu Palestina. Evi ljoljene li li mepangelo ljaaenglisa, nojo oja lombuele, evi nali topolue. Aajarabia naa peue ombiinga ja gama kuuzilo, naajuda naa peue ombiinga ja gama kuunisinginino manga ošilando ša Jerusalem nomikunda zašo tazi kala mepangelo ljaaenglisa. Ihe kape na ngoka a zimine manga etopolo lja tja ngaaka.

Aajuda taa ti, ombiinga jauo taji ningi onšona uunene, ojo itaa guanenē mo. Aajarabia ja taandele nale mevi alihe, ojo itaa hala okuza mo komikunda nzoka za uuvanekeleua aajuda. Nišeue ajehe ja hala okukala oojene jomu Jerusalem. Ošoka ngaši aakriste haa tala Jerusalem ošo ošilando šOmükulili, moka oje okua hepekelua mo nokua sile mo, ošo uo aajuda taje ši tala ošo ošilando šesimano ljauro ljonale, moka mua kala aakuuiliua jauo nontempeli jauo. Ihe aajarabia uo haa tala Jerusalem ošo ošilando šauo, ošoka omo ja tungile oontempeli zauo zokusimaneka Muhamed omülongi guauo.

Oombuzi zi li ko ozindji, ihe šoka otaši tu lombuele ouala, ojo ljomüua guetu li li popepi, ošoka oje nge te ja, ota aza aajuuda je li mu Palestina.

Iita ja tukuka MU KIINA

Ngašingeji kue ja elaka aakina ja matukilua kaajapani. Ošilongo ša Japani ši li koontuntu no ši naantu ojendji. Evi itali ja guanene ue, onke aajapani ja kala ja hala okulala omikunda zi li komünkulo gua Kiina. Nale nokuli ja lala ngeji omikunda zimue, ihe je zi tala oonšona. Ngašingeji aniuua ja kondo ongamba no ja matukile Kiina. Ope nekondjo ezigu mokati kauo, naantu ojendji ja sile miita. Aakuuilongo ja azika ja li mo, ojo haa tembuka ngašingeji no taji ontuku kiilando iikuauo.

Uujuni u uza iiponga, ihe iita ojo ošiponga ošinene taši jono po ošilongo ašihe. Omüua ne tu sile ohenda tuua azike košiponga, ši šike mpoka.

AAKEENAKONAŠANAKALUNGA jomu Rusland

Taku tiua aapangeli jomu Rusland ja tokolola ngašingeji, oongerki azihe za kala ko sigo onena zi nokukumunua po. Oongerki ozindji ze ezilua po nokuli, no za nja

ngua omaha guuzano uauo nenge oongulu ziimuna, ihe ngašingeji šoka itaši guana ue. Zi nokukumunua po šekešeke, puua kale nando ša, šoka taši ja zimbuluša okukala kua Kalunga. Oongerki nzoka tazi jonua po ngašingeji zi li po zi šike po 2900.

Mošilongo mua zikua išeue ehangueno ljaašeki, naamboka je ši kušeka naua haa peua ondjambe jauo kepangelo ljošilongo.

Ihe nando oojene jošilongo taa kondjo ngeji, nojendji oje ja landula, natango omu na mboka taa ziginine uukriste uauo. Ojo ja kušua aalongi jauo nomambo gauo agehe, nongašingeji oongerki tazi kumunua po. Mboka je hoole Omüua otaa šekua no taa hepekua pamikalo ozindji, ihe eitaalo ljomüntu kali ši kujugua momueño gue. Muuzigu auhe mua kala aaziginini mboka taa lalakanene omueño gualuhe, na Kalunga e ši ši omboka je no te ja koleke esiku kehe.

OSKOLA JOSONDAHA

NGOKA TU UŠA AANONA,
OJE OTU UŠA UUJUNI
AUHE.

Aalongi joskola josondaha ojo ja ningi ošigongi šauo ošinene numvo mu Köpenhamina mevi lja Denemark. Omo mua ja aakuuilongo uo ojendji, naasuomi ojo ja li mo uo. Aalongi ajehe ja gongalele ko ojo je šike pu 600.

Mošigongi mua kundašanua nkene oomueño zaanona ozo epja euanaua zi ši kutaamba ombuto. Ozo inazi kukuta manga, ngaši aakuluntu jamue ja kukutile muuinaji uauo, onke eputuzo alihe li nokutamekua maanona. Aanona nge taa putuka muuanaua, nena ošilongo ašihe taši ka kala naua, ihe aanona ngele taa putuka muuinaji, nena ošilongo ašihe otaši ka mona iihuna. Ondjigilile haji manga omüntu. Šoka omüntu e ši igilile manga oje omünona, ošo šoka te ši ziginine sigo omuukulupe

ue. Okuitezulula kuomükuluntu oškuo okuzigulela, ošoka uulunde uokulu hau mü landula aluhe. Ihe omünona nge ta ningi omüntu gua Kalunga, nena Kalunga muene te mü kokiša muuanaua auhe.

Onke oskola josondaha ji nošilonga ošinene. Šaa tuu omülongi muene oku li po qitaali, šaa tuu je muene okua makele uutoje uomüua, aanona taje mü uvu uo, no taa taamba oohapu ze kaje nomalimbililo. Omülongi ngele e na Ombepo Ondjapuki ja Kalunga, ojo tuu taji longo no maalongua uo. Oškola josondaha itaji pumbua aalongi ojendji, ihe otaji pumbua aalongi je nOmbepo ja Kalunga, mboka ja longua ku Kalunga muene tango.

Ošo ja kundašana, na pamue oonkundana nzika zi na ša natse uo. Aanona jetu ojo epja lja Kalunga tue li inekelua. Manga je li po ašona no manga oomueño zauo inazi kukutilla muulunde, ja longa okutilla Omüua guomegulu ngoka e ja hoole uo.


AHIMOTA OSKOLA JAALUUZE.

Auambo ohaa ti aluhe, iilonga jaatiligane ojiili, niilonga jetu jaaluuze, ojiili. Aatiligane haa ningi iikumisa jauo, ihe iilonga jetu taji tu jeleke. Ihe mu Afrika jetu omu noskola jimue jaaluuze ja fa naa naa jaatiligane. Ojo ji li kuuninginino ua Afrika komünkulo guošingoli, ngaši ošilongo šijaka ša lukua. Ezina ljoskola oljo Ahimota.

Moskola moka tamu taambua aagundjuka ja piti moskola jaanona. Omo tamu longua oondunge azihe ngaši aagundjuka aatiligane uo taa longua. Jamue taa longua oondunge zokupapula omapja no mašina ge ši kuendelela. Jamue taa longua okupangela omašina omänene ngaši oskepa niihauto. Jamue taa longua oondunge zokupanga aavu. Hakujakula ouala aapangi, aue, ihe okupanga kokuene. Jamue taa longua oveta jošilongo ja ni-

nge omalenga ošmanene je ši kuusa oohapu zaantu. Jamue taa ningi aalongi nenge aasita jomagongalo. Nošo tuu oondunge oonkuauo uo.

Oskola ndjika ja zikua 1926. Ano ngašingeji ja longo oomvula 11. Aaluuze jomu Afrika ja tameke okuhuma komeho šili. Mu Amerika mua kala nale nokuli aaluuze ja humu komeho muunkulungu auhe.



OMAZINA GAAKRISTE.

Opuu holoka uupjakazi ouindji, aantu šo ja šašua ojo jene, nenge ja šašiša uunona uauo nomazina o makuilongo. Aantu taa nengua o kutumbula omazina ga tja ngaaka no taa nengua oku ga nola naua. Esiku limue omuntu a šašua Fredrik, ihe je muene naantu aakuauo taa tumbula ezina ndjoka "Fitiliha." Nenge omukiintu a šašua Rakel, ihe aantu taa tumbula "Lahela". Iihuna jouala. Aanandunge taa jolo evundakano lja tja ngaaka.

Mošilongo kehe mu nomazina gašo. Aasuomi kaje hoole okušašua nomazina omakuilongo, ihe o masuomi ageke. Nošo uo aaengliša nenge aanduisi. Aue.

Ošike aauambo kaje hoole o mazina gauo omauanaua? Aauambo je nomazina goopalelela ngāšika: Nangula, Nahenda, Amūtena, Haufiku, Nelua, Ombili nenge Nambili n. š. t. n. š. t. oge ndjigendji. Omazina ga tja ngaaka tag' oopalele ukriste uo. Kape no malimbililo.

Otu uuvite naua, oondunge zomuntu manga inazi jela, oje otazilazila omazina ngaka ga kušua moBibeli ogo ageke omazina gaakriste. Ihe kehe tju ngoka kua longua oje ta tseja, omazina ngaka gomoBibeli ogo omazina omakuakreka nenge omakuakreka nenge omakuakreka. Kage ši omazina ga zi meglu nenge ga uušua andola ku Kalunga. Aue. Esiku limue ogo omakuapagani nokuli omakuakreka.

Onke ano mošigongi šaahongi kua kundašana aauambo ja pukululue ošinima šika. Aantu nge taa šašua, nenge taa šašiša uunona uauo opo ja tameke okušašiša nomazina omakuauambo, jaa tameke o kutaamba ue omakuilongo nande. Ošoka ezina itali etele omuntu esimano nenge elago, ihe omuntu ta uapa okusimanekišiša ezina lje, oje ngele omuntuelela.

Ezina itali hupiša omuntu nande, ihe esiku limue tali mu kaniša nokuli šo kua tameke okuineke la ezina lje lja kušua moBibeli. Omekano ljaluhe mu na oAbraham ojedndji nenge oSaara nenge oMaria ojedndji. Ihe ngiika oNangula nenge oHamūtenja taa taambua megulu ku Kalunga nando ja šašua nezina ekuauambo. Etokolo ndika tali ningua pakuka la kuomuntu, hapazina.

Onke ano aauambo ne. Pukulukeni nokuli mu kale mu noondunge. Aantu šo taa šašua numumvo, kehe ngoka ni išašiše nezina lje muene ljonale kue li peua kaakuluntu šo kua valua. Inamu tameka okuikongela ezina lilue nenge ekuilongo. Aue. Ezina ljeni oljoopala. Tali oopalele ukriste. Tali oopalele Kalunga. Kape nomalimbililo nande nande.

OIKUNUA

Nenge ua pula ovakulu vone, to ti oikunua oso tu ja kala ngasi ji li pai me. Oje ota ti: aho ue ha so ja kala. Oko tu ja li ndele oinini. Oikunua jopai me ovaņu tava ndungile ounona voiti, nove ndunga, nomadina eembua va ti ombušaje, oikunua tu ku li po, ka sa li po nale. Nounona vonale ina va peua oikunua. Pai me ovo ova pindi veehupa. Ovakuluņu tave va teele tava ti: nua omumati tu ou, fijo okanona ka ninga okapopo koikunua.

Ngasi nale ovaneneņu ovo va konga eengoma doualende koilongo. Pai me omuņu kese ou a mona ongobe ota ji muene komudile uovenda, je tai imbi ta ti: „Momudile ovenda ka kamu ja evaja, inda mo u tale nge to tungu.” Needjovo odo tadi tu ulikile eengobe dovauambo ngapi da landua oikunua. Pamue omafele nomafele a landua. Ngolongo ovahoolikunua oņu ja ja eno.

No nge to tale komalila oilongo oto mono ovasingifi voikunua, veji tula momakende (nombe) nomembao okukonga oimaliua, nomalapi, ku ava hava mono oimaliua, opo va ka fute efendelo ile va ka ndjale. Nande ovapangeli va kelela okulandifa oku, ovasingifi tava lungama jo, otava ji ku ava ve hoole okunua opo itave va holola. No tava lombuele eta vali.

„Ngongomutiuanandjaja katai kovaua.” Pai me a pita etimbo laje tali teelele omido dokomeso. Nenge e li po ote uja e li mumue o malidengo, eembole edipao. n. s. t. Ovalumeņu tava hepeke ovakuafi vavo. Omahombolo a dikua mehangeno lopamepo mahapu a teka ou ta ti inandi mu hala vali okukondua osipu ile ningeni esi mua hala.

Omuņu kese ita tu eemata, oku si si ngene oikunua taji etele omuņu nokutja fiku limue oņu eno li li ko, noinga oudu ueņgu.

Ndele unene otaji vikilile omuņu okumona omusijakano. Oikunua otaji ningi omuņu omudini uomusijakano. Pamue jo moilongo jomouambo esi ja diinina oikunua ngasi paife. Konima avese va ninga ovadini. Omueene Kalunga ta sekua, (sekifua) mouambo,

Omido 75

omūuilikitimo uanaale omusamane TARKKANEN oje ta fikifa me fiku eti 31 la oktober. „Omukuetu” te mu halele ouua ua Kalunga nenangeko noupuna oukuauulu.

Osiongalele sovahongi

sa ongala kEngela no kOnandjo

kue no kOnajena. Sa hovela kEngela efiku eti 26 la august. Osa kala poņele kese omafiku atatu. Kosiongalele esi kua kundafanua oinima ihapu josilonga setumo. „Omukuetu” te mu hepaulile jimue.

Okua kundafanua osilonga setumo nūmbi si nokujakula ovaņu avese novalongi ovo have si longo, ovatiliane ile ovalaule, nūmbi ve nokuliningila osiso osilonga setumo si ha hovele okukitakana nomapangelo ile noholomenda. Omakitakano a tja ngaha aese ta poņe osilonga kese siua. Etumo la hala okujakula elalakaneno lepangelo lokutekula ovaņu. Euditařano liua neendafano nekuafafano nenge tali kala pokati kepangelo setumo olo li nosilonga sihapu. Oņge hano napa kendabalue endafano liua la kola li kale po aluse.

Omanongelo esaso nekoleko a kundafanua jo. Ava va hala okuja menongelo lesaso ve nokusiiva okulesa va longua tete menongelo li lili. Ovaundjuka avese nava longue hano okulesa fimbo inava sasua maņa. Esi va kala menongelo lesaso kafimbo ndele ve si kulinekelua hava holoka efiku limue kosipala seongalo mongereka opo ehalo lavo li siivifilue eongalo va hala okuja meongalo ndele tava jlikanenua va siive okulilongekidila naua esaso lavo. Oso ngaha hava ningi o v a k a t e k u m e n i. Esi mbo lovakatekumeni lokukala menongelo esi la pua ohava sasua ngasi naale.

Momanongelo ovakolekua hamu longua opo va siive okudiinina oukriste nondjila ei taji tuala ku Kalunga. Ovakriste avese va siive okudiinina va ha hovele okuongaonga mokukala kuavo.

Opuu kundafanua vali omalaka ndele pua udafanua mosilongo kese namu longue ounona moskola javo nelaka losilongo. Hario mOndonga pasindonga mOukuanjama pasikuanjama n. s. t. Oumbo omanongelo ounona tau njanjangidifilua palaka losilongosavo, hano pasindonga no pasikuanjama. Kese tuu okanona ke nokulongua okulesa nokusanga palaka laje muene.

Vali kua kundafanua oambo nūmbi taa pumba neņgono. Kua tokolua „Omukuetu” a hovele okuholoka luvali mohani kese momudo ou tau uja. Ndele vali hatu pumbua okambo kokusiiva edu no kokujalula no keehani no kiiťja josiařrikaans n. s. t. Okua kundafanua tu kendambale oumbo ua tja ngaha u holoke ovaņu va siive okuehena komeso. Etestamenti lipe tali sangua pai me komuhongi Shulte kOukuanjama. Ombibeli ajise taji ka njanjangidua pasindonga kuEngland. Elimbo una taji holoka o mu itali siivika maņa.

(tadi tuikilua vali)